



Snapchat assinik pilertortumik saqqummiussisarfik meeqqat aamma inuusuttut akornanni nuannarineqartorujussuuvoq, aammattaaq Kalaallit Nunaanni, taama oqaluttuarput Meeqqat Ikiortigit.

Snapchat med hurtige billeder er populært blandt børn og unge, også i Grønland, fortæller Red Barnet Grønland.

# Meeqqat qarasaasiakku uumisaarneqaraangata

Meeqqat amerliartuinnartut smartphonemik peqaleraluttuinnarneranni inoqatinut attaveqaatit aqqutigalugit assinik nalunaarutinillu kissaatiginngisanik pissarsisarnissaannut nalorninartorsiorneq annertusiartuinnarpoq. Angajoqqaanit atuarfimiillu tamatuma maluginiarnissaa pisariaqarpoq, Meeqqat Ikiortigit taama nalunaarpoq

Inge S. Rasmussen  
inge@ag.gl

Danmarkimi meeqqat inuusuttulu interneti aqqutigalugu tujorminartunik aamma kanngunarsagaanivinnik misigisaqarsimanertik pissutigalugu ikiortissarsiortut siora amerleriarujussuarput.

Red Barnet Danmarkimi siunnersuisoqatigiit »SletDet« (taanna piaruk, nuts.) taama ilisimatitsivoq tassani siunnersuisartut qulit ilinniarsimasut meeqqanik inuusuttunillu digitalikkut ajornartorsiuqartunik ikiuinissaminut piareersimatinneqarput. Tassa inuusuttut 1.319-it 2020-mi taama ajornartorsiuqarput. Malunnaatiliimik amerleriarimasut kisisisip tamatuma takutippaa, tassa 87 procentit ukiumut siulianut sanillullugu, taamani saaffiginnittut 707-iummata.

Suliat pingajorarterutaat digitalikkut kinguaassiuutitigit kanngut-taatsuliornermut tunngasuupput, soorlu assersuutigalugu assilisani atoqatigiinnermut tunngasunik inuit allat susassarinnigisaannik nassiusuisarnerit. Tallimararterutingajaat inoqatinut attaveqaatini ajornartorsiorinneqarnerminnik ikiortikkusupput, soorlu assersuutigalugu inoqatinut attaveqaatini ilisarnaatiminnik peeqqusinerminnut tunngasumik.

Suliniaqatigiiffiup taamatut amerleriartoqarnera nassuiarpaa,

ilaatigit SletDet-imi siunnersuisarnerminut piffissaq ammasarfini sivitsorsimallugu, ilaatigit Corona pissutigalugu matusinerup kinguneranik meeqqat atuartinneqarnerat aamma inunnik allanik naapitsisarnerat amerlanertigit digitalimik pisarneranik.

Taamaalilluni internet aqqutigalugu kanngunarsarneqarpoq assinganik aarlerinarnerulersimavoq.

## Danmarkimisut ippiangitsoq

Meeqqat aamma inuusuttut sionarnit suli amerlanerusut digitalimi peqataasarnerminni ikiorneqarnissaminut pisariaqartitsinersut Nunatsinni Meeqqat Ikiortigit misigisimanngilaat.

Kisianni tamatumunnga patsiasaasinnaavoq suliniaqatigiiffik meeqqanik aamma inuusuttunik siunnersuisartussanik atorfeqartitsinngimmat soorlu SletDet taamatut atorfeqartitsisusooq, aamma Kalaallit Nunaat Danmarkimut taama annertutigisumik ma-toqqatitsinngimmat.

- Uagut suliniaqatigiiffiuvugut anginngitsoq, aamma piviusumik misissuisitsisimanngilagut taamatut amerleriaateqarsinnaanerannik takutitsisumik, Kalaallit Nunaanni Meeqqat Ikiortigit siulit-taasuq, Jonna Ketwa, nassuiaavoq.

Taanna ilisimatitsivoq suliniaqatigiiffik nittartakkamini nutarteq-qammersumi iserfissami Chat Paarlugumi ilaqutariinnut tamanut

internet aqqutigalugu isumannaatsumik attaveqaqatigiittarnissaannut pitsaasunik siunnersuuteqarlunilu ilitersuutunik ilanngussaqarmat. Ilaatigit qanoq iliorluni inuit attaveqaqatigiittarfiini paasissutissanik aamma assinik piiasoqarsinnaanerannut aamma unnerluutiginninnissamut tunngasunik. Aammattaaq nittartakkamiipput meeqqat atuarfianni atuar-titsinermut atortussat.

Jonna Ketwa meeqqat ukiukin-nerit amerliartuinnartut mobiltelefonitaartalerat erseqqissarpaa. Taamaalillutik aammattaaq ajornannginnerusumik pilertornerusumillu internetimut attaveqarsinnaalertarput, Danmarkimi meeqqanut assingusumik. Tamannalu angajoqqaanut pisariaqartitsilerpoq qitornamik internet aqqutigalugu soorlu assersuutigalugu pornonut tunngasut iserfiginissaannut qanoq iliorlutik killilersuisinnaanerat eqqarsaatigalugu.

## Inersimasumut attaveqarneq

Kalaallit Nunaanni Meeqqat Ikiortigit aammattaaq atuarfinni paasinaalluni suliaqartarpoq, tamaani meeqqat naapittarlugit inuit kikkut tamarmik attaveqaqatigiittarfiini misigisaat tusarnaartarlugit, tassunga ilanngullugit ingammik Snapchatimi, Instagramimi aamma Tik-Tokimi. Meeqqat allaat 11-nik ukiullit oqaluttuaraat inersimasunit attaveqarfigineqarsimal-lutik, Jonna Ketwa oqarpoq.

- Nukappiaraq 13-inik ukiulik oqaluttuarpoq arnap 30-nik ukiulip allaffigisimagaani. Namminerlu tamanna qanoq pissallugu nalornissutigisimallugu, Jonna Ketwa oqaluttuarpoq.

Taanna oqarpoq inuusuttuaqqat amerlasuutigit misigisaraat taamatut attaveqarnerit kukkunerususut, kisianni iliuuseqarfigissanagit. Taarsiullugu soqtiginngitsusaarniartarpaat.

- Aammattaaq imminut pisuutinnermik kanngusunermillu nalunaarutit aamma assit, tassangaannartumik ingerlateqqinneqartut, kinguneqartarsinnaapput. Soorlu assersuutigalugu atisaqarnani assilisat imaluunniit imminut toqunnissamik siorasaarinerit, Jonna Ketwa oqarpoq.

Taamaattumik tamatumunnga tunngasut maluginiartarnissaannut pisariaqartitsisooqarpoq, Kalaallit Nunaanni Meeqqat Ikiortigimi siulittaasoq erseqqissaavoq.

Namminersorlutik Oqartussat kinguaassiuutitigit kannguttaat-suliornermut atatillugu suliniutaannut Killiliisamut atatillugu suliniaqatigiiffik isumaginninnermut oqartussaamik qanimut suleqateqarsimavoq oqaatsillu marluut atorlugit kakersakkanik suliaqarsimalluni, taakku oqaatsit erseqqissut atorlugit meeqqat kinguaassiuutitigit kannguttaatsuliorfigineqarnissaat pinngitsoortinniarlugu ilinniartitsisut, angajoqqaat aamma ulluunerani meeqqeriv-

ni paaqqinnittartut piareersarniarlugit. Nittartakkami redbarnet.gl-imi aamma titartakkanik filmi-araqarpoq meeqqap nammineq timiminut, misigissutsiminut oqar-tussaassuseqarneranut tunngasunik, aamma meeraq persuttarneqarsimappat imaluunniit kannguttaatsuliorfigineqarsimappat ajornaatsuunngitsumik qanoq oqaloqatiginissaannut tunngasumik.

## Uani ikiortigit

Tusaannga – tlf. 801180, sms 1899

Tusaannga atimik taasinani aamma akeqanngitsumik saaffigineqartarpoq. Meeqqat, inuusuttut aamma inersimasut tamarmik arlaannik oqaloqatigininnissamik imaluunniit allaqateqarnissamik pisariaqartitsisut Tusaannga saaffigisinnaavaat.

Chat Paarlugu [www.redbarnet.gl](http://www.redbarnet.gl) -imiittoq – internetikkut isumannaatsumik attaveqaqatigiittarnermut siunnersuinerit aamma ilitsersuinerit.

[www.sletdet.dk](http://www.sletdet.dk) – akeqanngitsumik aamma allanut oqaatigineqartussaannigisunik siunnersuineq internetimi misigisat tujorminartut aamma kanngunarsaanerit pillugit. (Qallunaatuinnaq)